

Joseph, Jacob centum-viginti ageret, procul dubio trigesimo et nono anno Joseph, non centum-triginta, sed centum-quadragesima et duos annos agere inveniretur Jacob. Si autem die mortis Isaac<sup>1</sup>, nondum erat annorum decem et septem Joseph, sed aliquantulo tempore post mortem avi sui ad septimum decimum pervenit annum, quo anno Scriptura testante in Egyptum est a fratribus venditus, plurium etiam quam centum-quadragesima-duorum annorum esse debuit pater ejus, quando est filium in Egyptum consecutus. Scriptura quippe posteaquam narravit annum vitae ultimum Isaac centesimum et octogesimum, et ejus mortem ac sepulturam<sup>2</sup>, deinde commemoravit quemadmodum digressus esset Esau a fratre suo de terra Chanaan in montem Seir<sup>3</sup>, et contexit commemorationem regum et principum gentis ipsius, in qua se constituit, vel quam propagavit Esau; post haec, narrationem de Joseph sic intulit: « Habitabat autem Jacob in terra Chanaan. Haec autem procreatae Jacob. Joseph autem decem et septem annorum erat pascens cum fratribus oves<sup>4</sup>. » Deinde narratur causa somniorum quemadmodum odiosus fratribus sit factus, et venditus<sup>5</sup>. Aut ergo eodem anno septimo-decimo, aut etiam aliquanto major venit in Egyptum: ac per hoc utrolibet modo permanet quæstio. Si enim decem et septem annorum fuit post mortem avi sui, quando pater ejus centum-viginti fuit; profecto anno ejus trigesimo et nono, quando Jacob venit in Egyptum, centum-quadragesima-duos annos idem Jacob agere debuit: fuit autem tunc Jacob centum-triginta: ac per hoc si decem et septem annorum Joseph in Egyptum est venditus, ante duodecim annos quam moreretur avus ejus, venditus invenitur.

<sup>1</sup> Gen. xxxv, 28. — <sup>2</sup> Id. xxxvi, 6. — <sup>3</sup> Id. xxxvii, 1, 2. —

<sup>4</sup> Ibid. 5 et 28.

Decem enim et septem annorum esse non potuit, nisi ante duodecim annos mortis Isaac centesimo et octavo anno vitae patris sui Jacob. His enim cum adjecerimus viginti-duos annos quibus Joseph usque ad adventum patris sui fuit in Egypto, fient ætatis anni Joseph triginta-novem, et Jacob centum-triginta, et nulla erit quæstio. Sed quoniam Scriptura post mortem Isaac ista narravit, putatur Joseph post ejusdem avi sui mortem decem et septem annorum fuisse. Quapropter intelligamus de vita Isaac, tanquam multum decrepiti senis, tacuisse Scripturam, cum jam de Jacob et ejus filiis loqueretur: vivo tamen Isaac, decem et septem annorum esse cœpit Joseph.

## QUÆSTIO CXXIII.

Quod dicit Jacob ad Joseph: « Quod est somnium hoc quod somniasti? Numquid venientes veniemus ego et mater tua et fratres tui adorare te super terram<sup>1</sup>? » Nisi in aliquo mysterio dictum accipiatur, quomodo intelligitur de matre Joseph, quæ jam erat mortua? Unde nec in Egypto, cum sublimaretur, putandum est hoc esse completum; quia nec pater eum adoravit, quando ad eum venit in Egyptum, nec mater olim defuncta potuit. In Christi ergo persona facile intelligi potest etiam de mortuis, secundum illud quod dicit Apostolus: « Quia donavit ei nomen quod est super omne nomen, ut in nomine Jesu omne genu flectatur, coelestium, terrestrium, et infernum<sup>2</sup>. »

## QUÆSTIO CXXIV.

Quæritur quare Ismaelitas Scriptura, quibus a fratribus venditus est Joseph<sup>3</sup>, etiam Madianitas vocet, cum Ismael sit de Agar filius Abrahæ, Madianitæ vero de Ce-

<sup>1</sup> Gen. xxxvii, 10. — <sup>2</sup> Philip. ii, 9. — <sup>3</sup> Gen. xxxvii, 28.

<sup>1</sup> Gen. xxxviii, 1-3. — <sup>2</sup> Id. xl, 46.

thura? An quia Scriptura dixerat de Abraham, quod munera dederit filiis concubinarum suarum<sup>1</sup>, Agar scilicet et Cethuræ, et dimiserit eos ab Isaac filio suo in terram Orientis, unam gentem fecisse intelligendi sunt?

## QUÆSTIO CXXV.

De Jacob scriptum est, cum lugeret Joseph: « Congregati sunt autem omnes filii ejus et filiae, et venerunt consolari eum<sup>2</sup>. » Quæ filiae præter Dinam? An filios et filias dicit connumeratis nepotibus et neptibus? Jam enim maiores filii ejus filios habere potuerunt.

## QUÆSTIO CXXVI.

« Et noluit consolari, dicens: Quoniam descendam ad filium meum lugens in infernum<sup>3</sup>. » Solet esse magna quæstio, quomodo intelligatur infernus, utrum illuc mali tantum, an etiam boni mortui descendere soleant. Si ergo tantum mali, quomodo iste ad filium suum se dicit lugentem velle descendere? Non enim in peenis inferni eum esse credit. An perturbati et dolentis verba sunt, mala sua etiam hinc exaggerantis?

## QUÆSTIO CXXVII.

« Er vendiderunt Joseph in Ægyptum Petephræ spadoni, præposito coquorum<sup>4</sup>. » Nolunt quidam præpositum coquorum interpretari, qui græce ἀρχιμάγειρος dicitur, sed præpositum militiae, cui esset potestas occidendi. Nam sic appellatus est etiam ille, quem Nabuchodonosor misit, penes quem potius invenitur primatus fuisse militiae.

## QUÆSTIO CXXVIII.

« FACTUM est autem in tempore illo descendit Judas a fratribus suis ad hominem quemdam Odollamitam, cui

<sup>1</sup> Gen. xxv, 6. — <sup>2</sup> Id. xxxvii, 33. — <sup>3</sup> Ibid. 35. — <sup>4</sup> Ibid. 36.

» nomen Iras: et vidit illic Judas filiam hominis Chananaei nomine Savam, et accepit eam, et introivit ad eam, et concepit, et peperit filium<sup>1</sup>, » et cætera. Quæritur quando ista fieri potuerunt. Si enim posteaquam Joseph devenit in Ægyptum, quomodo intra viginti ferme et duos annos (nam post tantum temporis colligitur eos venisse ad eumdem Joseph fratrem suum in Ægyptum cum patre suo) fieri potuerit, ut Judæ filii ejus ætatis omnes possent ducere uxores? Nam Thamar nurum suam, mortuo primogenito suo, alteri filio dedit: quo etiam mortuo, expectavit ut cresceret tertius; et cum crevisset, nec illi eam dedit, timens ne et ipse moreretur: unde factum est, ut eidem socero suo se illa supponeret. Quomodo ergo haec omnia intra tam paucos annos fieri potuerint, merito movet, nisi (ut forte solet) Scriptura per recapitulationem aliquot annos ante venditum Joseph hoc fieri coepisse intelligi velit; quoniam sic positum est, ut diceretur: « Factum est autem in illo tempore: » ubi tamen quæritur, si decem et septem annorum erat Joseph quando venditus est, quot annorum esse Judas potuerit quartus filius Jacob, quandoquidem ipse primogenitus Ruben ut plurimum fratrem suum Joseph quinque aut sex annos potuerit ætate præcedere. Evidenter autem Scriptura dicit triginta annorum fuisse Joseph<sup>2</sup>, quando innotuit Pharaoni. Cum ergo ipse anno septimo decimo ætatis sue venditus fuisse credatur, tredecim annos peregerat in Ægypto ignotus Pharaoni: ad hos autem tredecim annos accesserunt septem anni ubertatis, et facti sunt anni viginti: his adduntur duo, quia secundo anno famis intravit Jacob in Ægyptum cum filiis suis, et inveniuntur viginti-duo anni, quibus absfuit Joseph a patre et a fratribus suis: quo medio tempore, quomodo fieri potuerint

<sup>1</sup> Gen. xxxviii, 1-3. — <sup>2</sup> Id. xi, 46.

de uxore et filiis et niu[er]o. Judæ omnia quæ narrantur, investigare difficile est: nisi forte ut credamus (et hoc enim fieri potuit) mox ut adolescere Judas coepit, eum incidisse in amorem ejus quam duxit uxorem, nondum vendito Josephi in Ægyptum.

## QUÆSTIO CXXIX.

«Et depositis vestimentis viduitatis suæ a se<sup>1</sup>.» Hinc insinuatur et temporibus Patriarcharum certa et sua fuisse vestimenta viduarum, non utique talia qualia conjugatarum.

## QUÆSTIO CXXX.

Quod iterum dicitur: «Joseph autem depositus est in Ægyptum, et possedit eum Petephres spado Pharaonis<sup>2</sup>,» ad ordinem reddit Scriptura unde recesserat, ut illa narraret quæ supra digesta sunt.

## QUÆSTIO CXXXI.

Quod aliqui codices latini habent: «Tria canistra aliae<sup>3</sup>,» cum græci habeant χονδρίων, quod interpretantur, qui usum ejusdem linguae habent, panes esse cibarios. Sed illud movet, quomodo panem cibarium potuerit Pharaon habere in escis. Dicit enim in superiore canistro fuisse omnia, ex quibus edebat Pharaon, opus pistorum. Sed intelligendum est etiam ipsum canistrum habuisse panes cibarios, quia dictum est, tria canistra χονδρίων, et desuper fuisse illa ex omni genere operis pistoris in eodem canistro supériore.

<sup>1</sup> Gen. xxxviii, 14. — <sup>2</sup> Ibid. xxxix, 1. — <sup>3</sup> Id. xl, 16.

cerdotem. Deinde non simul sed postea item est, quod sacerdos solis esset; sed civitas solis, quæ vocatur Heliopolis:

Quon putabat se stare Pharao super flumen, quemadmodum servus Abrahæ dixit: «Ecce ego sto super fontem aquæ<sup>1</sup>:» (nam et ibi græcus ἐπὶ τῷ πηγῇ dixit, quemadmodum hic ἐπὶ τῷ ποταμῷ.) hæc locutio si intelligatur in Psalmo ubi scriptum est. Qui fundavit terram super aquam<sup>2</sup>; non coguntur homines putare sicut navem natare terram super aquam. Secundum hanc enim locutionem recte intelligitur, quod altior sit terra quam aqua; altius quippe ab aquis sustollitur, ubi habitent terrena animalia.

## QUÆSTIO CXXXII.

Quon scriptum est: «Obliviscetur ubertatis futuræ in tota terra Ægypti<sup>3</sup>,» non futuræ illis qui famem patientur, tanquam postea veniat illis ubertas; sed futura erat tunc quando loquebatur, tanquam diceret: «Ubertatis hujus,» quam futuram significarunt boves bonæ et spicæ bonæ, obliviousur homines in ea fame, quam significaverunt boves et spicæ malæ.

## QUÆSTIO CXXXIV.

Numquid inveniemus hominem talem, qui habeat spiritum Dei in se<sup>4</sup>? Ecce jam, nisi fallor, tertio insinuatur nobis in hoc libro Spiritus sanctus, id est, Spiritus Dei. Primo ubi dictum est: «Et Spiritus Dei ferebatur super aquam<sup>5</sup>.» Secundo ubi dicit Deus: «Non permanebit Spiritus meus in hominibus istis propter quod carnes sunt<sup>6</sup>.» Et tertio nunc, quod Pharao dicit de Joseph, esse in illo Spiritum Dei<sup>7</sup>; nondum tamen legimus Spiritum sanctum.

<sup>1</sup> Gen. xli, 1, xxiv, 13. — <sup>2</sup> Psal. xxii, 2. — <sup>3</sup> Gen. xli, 30. — <sup>4</sup> Ibid. 38. — <sup>5</sup> Id. 1, 2. — <sup>6</sup> Id. vi, 3. — <sup>7</sup> Id. xli, 38.

## QUÆSTIO CXXXV.

«**E**t imposuit Pharaon nomen Joseph Psomthomphamnechi<sup>1</sup>: » hoc nomen interpretari dicitur: « Occulta reuelavit; » bex illo utique quod somnia regi aperuit: **A**gyptia vero lingua salvatorem mundi perhibent appellatum isto nomine.

## QUÆSTIO CXXXVI.

«**E**t dedit ei Aseneth, filiam Petephrae sacerdotis solis civitatis, ipsi uxorem<sup>2</sup>. » Quæri solet cuius Petephrae; utrum illius cuius servus fuit, an alterius: sed credibilius aestimatur alterius. Nam de illo cur non credatur, multa sunt quæ moveant. Primum, quia Scriptura non commemoravit, cum videatur hoc non potuisse præterire, quod ad illius juvenis non parvam gloriam pertinebat, ut ejus filiam duceret, cuius famulus fuit. Deinde quomodo spado filiam habere potuerit? Sed respondetur, quomodo uxorem: postea quippe creditur abscissus, vel casu vulneris, vel propria voluntate. Et quod honor ejus, non ipse commemoratur qui solet, id est, quod ἀρχαγγελος fuerit, quem principem coquorum latini interpretes posuerunt, principem autem militiæ quidam intelligi volunt<sup>3</sup>. Sed etiam hic respondetur duos illum honores habuisse; et sacerdotium solis, et militiæ principatum: congruenter autem alibi ille honor ejus commemoratus est, qui talibus actibus congruebat; hic vero, posteaquam in Joseph apparuit non parva divinitas, ipse honor debuit nominari socii ejus, qui pertineret ad divinitatem non parvam, secundum opinionem **A**gyptiorum in sacerdotio solis. Verum in his omnibus, quia et præpositus fuit custodiarum carceris, nimis incredibile est huic præpositum officio sa-

<sup>1</sup> Gen. xli, 45. — <sup>2</sup> Ibid. — <sup>3</sup> Id. xxxix, 1.

cerdotem. Deinde non simpliciter dictum est, quod sacerdos solis esset; sed civitatis solis, quæ vocatur Heliopolis: abesse autem dicitur amplius quam viginti millibus a civitate Memphi, ubi Pharaones, id est, reges, maxime commanebant. Quomodo ergo deserto officio sacerdotii sui potuit strenue regi servire in militiae principatu? Accedit etiam quod **A**gyptii sacerdotes perhibentur non servisse semper, nisi templo deorum suorum, nec aliud aliquid officii gessisse: sed si forte tunc aliter fuit, credat quisque quod placet; non est tamen quæstio cujus exitus clausus sit, sive unus fuerit Petephres, sive duo: quodlibet enim horum quisque existimet, non est fidei periculosum, nec contrarium veritati Scripturarum Dei.

## QUÆSTIO CXXXVII.

«**E**t congregavit Joseph triticum, sicut arenam maris multum valde, quoadusque non potuit numerari: non enim erat numerus<sup>1</sup>: » pro eo dictum est: « Non enim erat numerus, » quod nomen numeri omnis usitati excederet illa copia, et quomodo appellaretur non inveniebatur. Nam unde fieri potest, ut quantumlibet magnæ, finitæ tamen multitudinis, numerus non sit? Quamvis hoc potuerit etiam secundum hyperbolem dici.

## QUÆSTIO CXXXVIII.

«**E**t commemoratus est Joseph somniorum suorum, quæ vidit ipse<sup>2</sup>. » adoraverant enim eum fratres sui. Sed aliquid in illis somniis excelsius inquirendum est. Non enim potest eo modo de patre ejus ac matre compleri, quæ jam mortua fuerat, quod de sole et luna cum vidiisset, a patre increpante audierat<sup>3</sup>, qui vivebat.

<sup>1</sup> Gen. xli, 49. — <sup>2</sup> Id. xlii, 9. — <sup>3</sup> Id. xxxviii, 10.

**QUÆSTIO CXXXIX.**

Quid est quod Joseph vir tam sapiens, atque ita non solum hominum inter quos vivebat testimonio, sed ipsa etiam Scriptura teste laudatus, ita jurat per salutem Pharaonis, non exituros de Ægypto fratres suos, nisi frater eorum junior veniret<sup>1</sup>. An etiam bono et fidei viro yilis fuerat salus Pharaonis, cui fidem sicut primitus domino suo servabat in omnibus? Quanto enim magis ipsi, qui eum in tanto honore locaverat, si illi servavit, qui eum servum emptitum possidebat? Quod si non curabat Pharaonis salutem, numquid et perjurium pro cuiuslibet hominis salute vitare non debuit? Annon est perjurium? Tenuit enim unum eorum donec veniret Benjamin, et verum factum est quod dixerat: « Non exhibitis hinc, nisi venerit frater vester<sup>2</sup>. » Ad omnes enim non potuit pertinere quod dictum est? Nam quomodo et ille venturus esset, nisi ad eum adducendum aliqui rediissent? Sed quod sequitur magis urget quaestione, ubi iterum juravit dicens: « Mittite ex vobis unum, et adducite fratrem vestrum, vos autem ducemini, quoadusque manifesta sint verba vestra, si vera dicitis annon: sin autem, per salutem Pharaonis, exploratores estis<sup>3</sup>, » id est, si non vera dicitis, exploratores estis. Huic sententiae interposuit jurationem, quia si vera non dixissent, exploratores essent, id est, exploratorum poena digni essent, quos tamen vera dicere sciebat. Neque enim perjurus est quisque, si ei quem castissimum novit, dicat: « Si hoc adulterium de quo argueris commisisti, damnat te Deus, » et his verbis adhibeat jurationem, verum omnino jurat: ibi est enim conditio qua dixit: « Si fecisti, » quem tamen non fecisse certum habet. Sed ait aliquis: « Verum est, quia si fecit

<sup>1</sup> Gen. xlii, 15. — <sup>2</sup> Ibid. — <sup>3</sup> Ibid. 16.

adulterium, damnat illum Deus: hoc autem quomodo verum est: Si non verum dicitis, exploratores estis, cum etiamsi mentiantur, non sint exploratores? « Sed hoc est quod dixi, ita dictum esse: « Exploratores estis, » tanquam si dictum esset, exploratorum poena digni estis, hoc est, exploratores deputabimini merito mendacii vestri. « Estis » autem potuisse dici, pro, habemini et deputabimini, innumeræ similes locutiones docent. Unde est illa Eliæ: « Quicumque exaudierit in igne, ipse erit Deus<sup>1</sup>. » Non enim tunc erit, sed tunc habebitur.

**QUÆSTIO CXL.**

Quid est quod cum inter se penitentes filii Israël loquerentur de fratre suo Joseph, quod cum illo male egerint, et hoc eis divino judicio redderetur, quod se perditari videbant, adjungit Scriptura et dicit: « Ipsi ignorabant quia audiebat Joseph: interpres enim inter illos erat<sup>2</sup>. » Hoc scilicet intelligendum est, ideo eos putasse, quia ille non audiret, quod videbant interpretem, qui inter illos erat, nihil ei dicere eorum, quæ loquebantur; nec ob aliud adhibitum putabant interpretem, nisi quod eorum linguam ille nesciret; nec cura erat interpretis ea dicere illi, a quo positus fuerat, quæ non ad illum, sed inter se loquebantur.

**QUÆSTIO CXLI.**

« Et iterum accessit ad eos, et dixit illis<sup>3</sup>: » nec adjungit quid illis dixerit. Unde intelligitur haec eadem dixisse quæ dixerat.

<sup>1</sup> Reg. xviii, 24. — <sup>2</sup> Gen. xlii, 23. — <sup>3</sup> Ibid. 24.

« Er deducetis senectam meam cum tristitia ad infernum<sup>1</sup>. » Utrum ideo ad infernum, quia cum tristitia, an etiamsi abasset tristitia, tanquam ad infernum moriendo descensurus haec loquitur? De inferno enim magna quæstio est, et quid inde Scriptura sentiat, locis omnibus, ubi forte hoc commemoratum fuerit, observandum est.

## QUÆSTIO CXLIII.

Quod a præposito domus audiunt, « Deus vester et Deus patrum vestrorum dedit vobis thesauros in saccis vestris, argentum autem vestrum probatum habeo<sup>2</sup>, » mendacium videtur, sed aliquid significare credendum est. Argentum enim quod et datur, et non minuitur, quia et probatum appellatum est, nimirum illud intelligitur de quo alibi legimus: « Eloquia Domini eloquia casta, argentum igne examinatum, probatum terræ, purgatum septulum<sup>3</sup>, » id est, perfecte.

## QUÆSTIO CXLIV.

« BIBERUNT autem et inebriati sunt cum eo<sup>4</sup>. » Solent hinc ebriosi adhibere testimonii patrocinium; non propter illos filios Israël, sed propter Joseph, qui valde sapiens commendatur: sed hoc verbum et pro satietate solere ponit in Scripturis, qui diligenter adverterit, multis in locis inveniet. Unde est illud: « Visitasti terram et inebriasti eam, multiplicasti ditare eam<sup>5</sup>: » eo quod in laude benedictionis hoc positum est, et donum Dei commemoratur, apparet hac ebrietate saturitatem significari.

<sup>1</sup> Gen. xlii, 38. — <sup>2</sup> Id. xliii, 23. — <sup>3</sup> Psal. xi, 7. — <sup>4</sup> Gen. xliii, 34.  
— <sup>5</sup> Psal. lxiv, 10.

Nam ita inebriari ut inebriantur ebriosi, nec ipsi terræ utiler est, quoniam majore quam satietati sufficit humore corruptitur; sicut vita ebriosorum, qui non satietate se replent, sed mergunt diluvio.

## QUÆSTIO CXLV.

Quod ait fratribus suis Joseph, « Nesciebatis quia augurio auguratur homo qualis ego<sup>1</sup>; » de hoc augurio etiam mandavit eis dicendum per hominem suum: quid sibi velit, queri solet; an quia non serio, sed joco dictum est, ut exitus docuit, non est habendum mendacium? Mendacia enim a mendacibus serio aguntur, non joco: cum autem quæ non sunt, tanquam joco dicuntur, non depitantur mendacia. Sed magis movet quid sibi velit ista actio Joseph, qua fratres suos, donec eis aperiret quis esset, toties ludificavit, et tanta expectatione suspendit: quod licet tanto sit suavius cum legitur, quanto illis fit inopinatus cum quibus agitur, tamen sapientiae illius gravitate, nisi magnum aliquid isto quasi ludo significaretur, nec ab illo fieret, nec ea Scriptura contineretur, in qua est tanta sanctitatis auctoritas et prophetandorum tanta intentio futurorum: quam modo exequi exponendo non suscepimus, sed admonere tantum voluimus, quid hic oporteat inquiri. Nam nec illud vacare arbitror, quod non ait, « Auguror ego, » sed, « Auguratur homo qualis ego. » Quod si locutionis genus est, in Scripturæ corpore simile aliquid reperiendum est.

## QUÆSTIO CXLVI.

Non negligenter considerandum puto, tantam miseriam in hac perturbatione fratrum suorum quomodo Joseph quandiu voluit tenuit, et quanta voluit mora produxit<sup>2</sup>:

<sup>1</sup> Gen. xliv, 15. — <sup>2</sup> Ibid. per totum, vix. xl.

non eos utique faciens calamitosos, quando tantæ etiam ipsorum futuræ lœtitiae exitum cogitabat; et totum hoc quod agebat, ut eorum gaudium differretur, ad hoc agebat, ut eadem dilatione cumularetur: tanquam non essent condignæ passiones eorum in toto illo tempore quo turbabantur, ad futuram gloriam exultationis, quæ in eis fuerat revelanda, fratre cognito, quem a se perditum esse arbitrabantur.

## QUÆSTIO CXLVII.

MULTA in narratione Iudæ aliter dicta sunt, quam cum illis egerat Joseph, quamvis apud eum loqueretur, ut omnino de illa insimulatione, quod exploratores essent, nihil diceretur. Quod utrum consulto tacitum sit, an et id fecerit perturbationis oblio, non apparet. Nam et illud quod dixerunt, se ab ipso Joseph interrogatos de patre et fratre suo<sup>1</sup>, se autem illa interroganti indicasse, mirum si vel ad sententiam potest ista pervenire narratio, ut eam constet esse veracem. Quanquam et si aliqua falsa in ea sunt, falli potius per oblivionem potuit, quam audere mentiri: apud eum præsertim, cui non sicut nescienti, sed etiam illa quæ noverat eum scire, ad flectendam ejus misericordiam narrationi suæ inserebat.

## QUÆSTIO CXLVIII.

Quid est quod dicit Joseph: « Misit enim me Deus ante vos, remanere vestrum reliquias super terram, et enutrire vestrum reliquiarium magnum<sup>2</sup>? » Hoc enim non usquequa consonat, ut reliquias, vel reliquiarium accipiamus Jacob et filios ejus, cum omnes sint incolumes. An forte illud significat alto secretoque mysterio, quod ait Apostolus: « Reliquæ per electionem gratiæ salvæ

<sup>1</sup> Gen. xliv, 19. — <sup>2</sup> Id. xlvi, 7.

factæ sunt<sup>3</sup>. » Quia Propheta prædixerat: « Et si fuerit numerus filiorum Israël sicut arena maris, reliquiæ salvæ fierint<sup>4</sup>. » Ad hoc enim occisus est Christus a Judæis, et traditus gentibus tanquam Joseph Ægypti a fratribus, at et reliquiæ Israël salvæ fierent. Unde dicit Apostolus: « Nam et ego Israëlitæ sum: et ut plenitudo gentium intraret, et sic omnis Israël salvus fieret<sup>5</sup>; » id est, ex reliquis Israël secundum carnem, et plenitudine gentium quæ in fide Christi secundum spiritum sunt Israël. Aut si et genti illi Israëlitæ restat fidei plenitudo, ex qua erant reliquiæ, in quibus reliquis tunc et Apostoli salvi facti sunt, hoc significatur ea plenitudine liberationis Israël, qua per Moysen ex Ægypto liberati sunt.

## QUÆSTIO CXLIX.

INTRARUNT in Ægyptum Jacob et omne semen ejus, filii et filii filiorum ejus, filiæ et filiæ filiarum ejus cum eo<sup>6</sup>. » Quærendum quomodo dicat « Filias et filias filiarum ejus cum eo, » cum filiam unam legatur habuisse. Superius autem filias ejus dixeramus accipi posse neptes ejus, sicut filii Israël omnes dicuntur etiam universus populus ab illo propagatus. Sed nunc cum dicit, « filias filiarum, » propter unam Dinam, pluralis numerus pro singulari positus est, sicut etiam pro plurali singularis solet: nisi nurus ejus quisque asserat filias ejus potuisse appellari.

## QUÆSTIO CL.

Quod dicit Scriptura tot animas peperisse Liam<sup>5</sup>, vel tot aut tot animas exiisse de femoribus Jacob, videndum est quid hinc respondeatur eis, qui hoc testimonio confir-

<sup>1</sup> Rom. xi, 5. — <sup>2</sup> Isai. x, 22. — <sup>3</sup> Rom. xi, 1, et xxv, 26. — <sup>4</sup> Gen. xlvi, 6. — <sup>5</sup> Ibid. 15.